

Estudo da Enquisa de Poboación Activa no 2º trimestre de 2006 elaborado polo Departamento Técnico de Economía da CIG. Neste estudo apreciase a forte diferenza que en Galiza se produce entre o paro estimado na EPA e o rexistrado nas oficinas do INEM.

No segundo trimestre de cada ano a EPA xa recolle a parte máis alta do incremento do emprego derivado do período estival. Xuño e xullo son, normalmente, os meses onde se produce o grosu das contratacións, por iso este trimestre rexistra habitualmente un incremento da ocupación con respecto ao trimestre anterior, e este último non foi unha excepción.

Coñecedores desta situación, imos analizar a evolución interanual que nos permita ter unha visión máis ampla do panorama laboral galego máis recente.

	2º trimestre 2005	2º trimestre 2006	05/06
Pob > 16 anos	2.364,8	2.371,9	0,3
Activos	1.252,6	1.261,3	0,6
Ocupados	1.113,4	1.152,8	3,5
Parados	139,2	108,5	-22,0
Inactivos	1.112,3	1.110,7	-0,1

Fonte: EPA. Datos en milleiros.

Sen lugar a dúbidas, o máis salientábel do cadro anterior é o forte descenso do desemprego interanual, un 22% menos de parados en só un ano: 30.700 persoas no último ano pasaron de engrosar as listas de desempregados a teren un traballo.

Este forte descenso do paro en Galiza contrasta coa súa evolución na media do Estado español, onde nas mesmas datas o paro se reduciu un 5,5%. A evolución desta variábel en Galiza é “sospeitosa” desde a última reforma da Enquisa de Poboación Activa. Con anterioridade a 2005, a taxa de paro en Galiza habitualmente superaba en torno a 3 puntos a taxa de paro da media estatal; hoxe están á par, no 8,6% da poboación activa.

Outro aspecto que fai sospeitar da veracidade do dato é a forte diferenza que en Galiza se produce entre o paro estimado na EPA e o rexistrado nas oficinas do INEM: o paro rexistrado (146.388) é un 34,9% superior ao estimado pola EPA (108.500). No caso do Estado español o rexistrado supera en só un 7,9% o estimado. Un 7,9% de diferenza pode ser un dato asumíbel e explicábel pola diferente metodoloxía que utiliza cada traballo, un 35% non, polo que caben outras explicacións.

A evolución do resto das variábeis macroeconómicas tampouco explican este situación, xa que o crecemento da economía, medida a través do PIB, tivo un comportamento similar no Estado español e en Galiza.

Este descenso no número de parados produciuse polo importante incremento da ocupación neste período, un 3,5%, 39.400 postos de traballo máis que hai un ano. Onde se xeraron estes novos empregos?, que tipo de empregos son?, etc., poden axudar a explicar esta situación.

Evolución dos ocupados por sectores económicos

	2º trimestre 2005	2º trimestre 2006	05/06
Agricultura e pesca	123,3	109,6	-11,1
Industria e construción	337,6	347,8	3,0
Servizos	652,5	695,3	6,5
Total	1.113,4	1.152,8	3,5

Fonte: EPA. Datos en milleiros.

O groso do medre dos empregos concentrouse no sector servizos, sen esquecer o bo comportamento do sector secundario. O 60% dos ocupados galegos desenvolven a súa actividade nalgunha das ramas de servizos.

Agricultura e pesca seguen perdendo activos.

Unha descrición máis detallada é a que nos dan os ocupados por ramas de actividade.

Ocupados por ramas de actividade

	2º trimestre 2005		2º trimestre 2006	
	Total ocup	Asal	Total ocup	Asal
Agricultura, gandería, caza e silvicultura	89,4	13,5	80,4	12,5
Pesca	33,9	12,1	29,2	17,7
Industria da alimentación, bebidas e tabaco	37,2	34,0	40,3	35,5
Industria do téxtil, da confección, do coiro e do calzado	31,1	27,5	26,1	19,8
Industria da madeira e da cortiza	16,6	14,1	15,8	14,1
Industria do papel, edición, artes gráficas	9,2	6,6	13,1	10,9
Industrias extractivas, refino de petróleo, industria química, transformación de caucho, metalurxia, enerxía e auga	60,1	52,4	57,0	53,1
Construción de maquinaria, mat eléctrico, mat de transporte e industrias manufactureiras diversas	62,3	55,7	59,3	51,6
Construción	121,1	93,2	136,2	103,2
Comercio por xunto e polo miúdo	139,6	91,1	145,2	102,3
Venda, mantemento e reparación de vehículos de motor; venda polo miúdo de combustíbel para vehículos de motor	25,8	21,7	24,3	20,5
Hostalaría	70,0	38,1	76,4	48,5
Transporte, almacenamento e comunicacións	50,4	41,4	51,0	41,2
Intermediación financeira	22,8	19,9	24,3	21,5
Act inmobiliarias e de alugamento; servizos empresariais	72,0	52,7	78,5	55,3
Administración pública, defensa e SS obrigatoria	73,1	73,1	80,1	80,1
Educación	70,3	65,4	67,8	64,2
Actividades sanitarias e veterinarias; servizos sociais	58,3	53,3	70,2	65,6
Outros servizos, actividades dos fogares e organismos extraterritoriais	70,3	61,0	77,7	98,4

Total	1.113,4	826,7	1.152,8	886,0
--------------	----------------	--------------	----------------	--------------

Fonte: EPA. Datos en milleiros.

Unha das primeiras conclusións da táboa anterior é o forte medre da asalarización en Galiza. Neste último período analizado, o número de asalariados medrou preto do dobre dos ocupados totais, o que implica a caída do emprego noutras categorías profesionais. Nestes momentos, os asalariados representan o 76,8% do total de ocupados.

Outra das conclusións do cadro anterior é a forte disparidade na composición e na evolución das distintas ramas de actividade. O comercio é a actividade que máis persoas ocupa, seguido da construción. Ambas experimentaron un importante crecemento neste último ano, nomeadamente a construción onde a ocupación medrou un 12,5%.

O sector primario segue perdendo peso, e neste último ano de maneira importante, tanto en agricultura como en pesca. No segundo trimestre de 2006 soamente ocupa o 9,5% dos traballadores galegos.

Hai que destacar, así mesmo, a perda de emprego no sector industrial. Agás nas industrias de alimentación e papel, o resto das actividades perden emprego, sendo de salientar especialmente o sector téxtil, onde o emprego baixou máis do 16%.

As distintas actividades que compoñen o sector servizos tiveron un comportamento positivo, agás educación e venda de vehículos e combustíbel en que descendeu a ocupación. Onde máis medrou esta foi en actividades sanitarias e servizos sociais.

Temos, pois, un incremento importante da ocupación, 3,5%, que se centra exclusivamente nos asalariados, 7,2%, perdendo emprego o resto das categorías. Imos analizar, a seguir, o tipo de contrato destes asalariados, distinguindo entre sector público e privado.

Asalariados segundo tipo de contrato

	2º trimestre 2005			2º trimestre 2006		
	C ind	C temp	Total	C ind	C temp	Total
S público	140,4	49,7	190,1	134,5	43,7	178,2
S privado	436,6	259,3	695,9	410,5	238,0	648,5
Asalariados	577,0	309,0	886,0	545,0	281,7	826,7

Fonte: EPA. Datos en milleiros.

Taxa de temporalidade

	2º trimestre 2005	2º trimestre 2006	05/06
S público	26,1	24,5	1,6
S privado	37,2	36,7	0,5
Total	34,8	34,0	0,8

Fonte: EPA. Datos en tanto por cen. Variación en puntos.

Novamente se produce un incremento da temporalidade. A pesar de medrar o número de asalariados con contrato indefinido, foi maior o medre dos que asinaron un de duración temporal, polo que a taxa de temporalidade alcanzou o 34.8% da poboación asalarizada fronte o 34% de hai un ano.

Debemos destacar que o maior incremento desta se produciu no sector público: 1,6 puntos medrou a temporalidade en apenas un ano fronte ao medio punto que creceu no sector privado.

En vista deste cadro o que si podemos asegurar é que as medidas aplicadas até o de agora para reducir a temporalidade non serviron para o sector privado. No sector público trátase de vontade política.

Imos ver agora as diferenzas por sexo.

Diferenzas por sexo						
	2º trimestre 2005		2º trimestre 2006		Diferenzas	
	Home	Muller	Home	Muller	Home	Muller
Taxa de actividade	62,5	44,3	62,0	45,1	-0,5	0,8
Ocupados	648,9	464,4	659,5	493,2	10,6	28,8
Asalariados	483,0	343,8	508,2	377,9	25,2	34,1
Taxa de temporalidade	33,3	35,0	32,3	38,2	-1	3,2
Taxa de paro	7,9	15,2	6,0	11,8	-1,9	-3,4

Fonte: EPA.

Malia os avances, seguen manténdose fortes diferenzas por sexos en Galiza.

A taxa de actividade feminina continúa en niveis moi baixos: o 45,1% (a 17 puntos de distancia da masculina). A isto hai que engadir as elevadas taxas de paro ás que se ven expostas as mulleres. Preto do 60% da poboación feminina en idade de traballar está fóra do mercado laboral, algo inaceptábel socialmente, non só polo “desperdicio” de activos que supón, senón tamén polo custoso que é en termos de manter un certo benestar social.